

Temeljem članka 16.stavak 4. Zakona o Vladi Zeničko-dobojskog kantona - Pročišćeni tekst („Službene novine Zeničko-dobojskog kantona“, broj:7/10), a u svezi sa člankom 139. stavak1. Poslovnika Skupštine Zeničko-dobojskog kantona („Službene novine Zeničko-dobojskog kantona“, broj:12/09, 19/09 i 5/10-ispr.), razmatrajući AMANDMAN I., AMANDMAN II., AMANDMAN III. i AMANDMAN IV. Janje Ivić, zastupnice u Skupštini Zeničko-dobojskog kantona od 23.2.2012.godine, Vlada Zeničko-dobojskog kantona, na prijedlog Ministarstva za pravosuđe i upravu, na 55. sjednici, održanoj 27.02.2012. godine, d o n o s i

ZAKLJUČAK

I.

Vlada Zeničko-dobojskog kantona odbacuje AMANDMAN I., AMANDMAN II., AMANDMAN III., AMANDMAN IV. na Prijedlog Zakona o preuzimanju Zakona o državnoj službi u Federaciji Bosne i Hercegovine, Janje Ivić, zastupnice u Skupštini Zeničko-dobojskog kantona.

II.

Zaključak sa obrazloženjem u kojem su sadržani razlozi odbacivanja podnesenih amandmana iz točke I ovog zaključka upućuju se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/12.
Datum, 27.02.2012. godine
Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a

OBRAZLOŽENJE

PRAVNI TEMELJ

Temelj za donošenje ovog zaključka sadržan je u članku 16.stavak 4. Zakona o Vladi Zeničko-dobojskog kantona - Pročišćeni tekst („Službene novine Zeničko-dobojskog kantona“, broj:7/10), kojim je utvrđeno „ ...Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi i određuju zadaci kantonalnim organima uprave i službama Vlade...“ i članku 139. stavak 1. Poslovnika Skupštine Zeničko-dobojskog kantona („Službene novine Zeničko-dobojskog kantona“, broj:12/09, 19/09 i 5/10-ispr.).

RAZLOZI ZA DONOŠENJE

Vlada Zeničko-dobojskog kantona odbacuje AMANDMAN I., AMANDMAN II., AMANDMAN III. i AMANDMAN IV. na Prijedlog Zakona o preuzimanju Zakona o državnoj službi u Federaciji Bosne i Hercegovine, Janje Ivić, zastupnice u Skupštini Zeničko-dobojskog kantona, zbog nemjerodavnosti.

Naime, (Prijedlogom) Zakonom o preuzimanju Zakona o državnoj službi u Federaciji Bosne i Hercegovine ne mogu se mijenjati odredbe preuzetog Zakona o državnoj službi u Federaciji Bosne i Hercegovine jer je donešen od strane Parlamenta Federacije Bosne i Hercegovine i samo je donositelj pruzetog propisa mjerodavan mijenjati preuzeti propis. Skupština Zeničko – dobojskog kantona nije donositelj propisa koji se preuzima.

Zakonom odnosno propisnika o preuzimanju propisnika odnosno zakona ne mogu se mijenjati odredbe koje se preuzimaju.

U kontekstu nomotehnike i klasifikacije propisnika zakon je nakon ustava, pisani pravni akt s najvišom pravnom snagom koji donose posebna zakonodavna tijela u propisanom postupku. Sadržaj zakona može biti različit. U suvremenim demokratskim državama zakone donosi posebno državno tijelo-parlament , koji se javlja pod raznim imenima.

U Bosni i Hercegovine zakone donose i državna i entitetska i kantonalna tijela vlasti sukladno i pravnom i političkom uređenju BiH. U Federaciji Bosne i Hercegovine, kao jednom od entiteta BiH, to je Parlament Federacije BiH a u Zeničko-dobojskom kantonu to je Skupština Zeničko-dobojskog kantona, a u okviru svoje mjerodavnosti koje su propisane ustavima..

Za primjenu zakona vrlo važno je odrediti prostor i vrijeme primjene. Za pravna pravila prostor predstavlja i neki poredak u društvenim odnosima. U pravu ima i takvih propisa koji se mogu primjenjivati na raznim područjima. U konkretnom slučaju radi se o partikularnom propisu, odnosno propisu koji se primjenjuje samo za organe uprave i upravne organizacije Zeničko-dobojskog kantona.

Što znači u konkretnom slučaju predloženi propisnik na koji se ulažu amndmani je propisnik odnosno Zakon koji donosi Skupština Zeničko-dobojskog kantona a koja nije mjerodavna mijenjati propisnik, odnosno,(u konkretnom slučaju) Zakon o državnoj službi u Federaciji Bosne i Herecegovine, jer bi to remetilo pravnu i političku ravnotežu poretka. Kad bi se propisnik koji donosi Parlament Federacije BiH mogla staviti izvan snage i izmijeniti propisnikom Skupštine Zeničko-dobojskog kantona, značilo bi da “zakon” gubi snagu zakona. Drugim riječima nestalo bi pravne sigurnosti.